

遼州志

目錄

卷之一

圖考

建置沿革

星野

疆域

形勝附

卷之二

城池

山水

學校
學田附

義學田附

卷之三

公署

坊鄉

關梁

郵傳
舖司附

卷之四

祠祀

古蹟

陵墓

寺觀

卷之五

戶口

田賦

蓋法附

兵防

物產

風俗

祥異

卷之六

職官

循蹟

選舉
貤封附

卷之七

人物
忠孝節義附

列女

方伎

仙釋

卷之八

藝文上

藝文下

通志

卷之一

遼州志卷之七

人物 忠孝節義附

十室之邑必有忠信許由先軫遼之人物固彬彬矣至
勝朝高司馬文章忠孝彪炳寰區自是以來頑廉懦立
聞風興起者倍蓰於前高山景行之思殆不禁悠然神
往也志人物

上古

祝融氏 帝顓頊之子分封於此建遼陽城

唐虞

伯益

掌火政避禹之子於箕山之陰

許由

堯讓天下於許由由隱箕山嘗以手掬飲或遺之瓢掛樹上風吹有聲厭煩棄之

周

先軫

晉大夫事詳左傳載藝文

先且居

晉大夫事詳左傳載藝文

公冶長

墓在寒王鎮東岡

五代齊

張綦

參丞相軍事封武安伯文宣時終護將軍稱齊良將

宋

薛

超

乾德初應募從崔彥進伐蜀有功補虞侯太宗時遷元武指揮使又從征太原禦契丹遷神衛軍都校後領澄州團練使

金

烏

塘

大定間為長子令舊有訟年久不決塘剖決如流人皆懷服撫流亡均徭役立去思碑

趙

岐

明昌五年為襄垣令威惠並施吏畏民懷尤工於詩為時所重

移刺阿里合

興定間任霍州刺史元兵至戰敗與寶昌軍節度使孔祖湯俱被執不跪同門而立元人叢矢射殺之祀霍州名宦

元

秦

立

字履正至大間任明威將軍本州刺史兼知軍事提舉常平倉二賦五百戶經畧使

明

高

魏

字不危五指里人洪武歲貢事母蕭氏至孝十七年奉旨旌獎授前軍都督府斷事上書陳言上奇之及建文卽位獻主父推恩之策會靖難兵起又上書燕王請罷兵後與山東叅政鉄鉉協守濟南燕兵攻之數月不克大挫北兵比聞燕王南下縊死驛舍事詳史傳載藝文隆慶初奉旨與暴昭張芮並祀省會稱三傑濟南亦建七忠祠仍令本州立祠建坊春秋致祭

楊

秘

歲貢除知徐州才能練達惠及鰥寡在任三十餘年以善政稱賜食叅議俸

孟

祥

字廷瑞由翰林陞僉事

孟

準

字平仲由大理寺評事遷陝西按察司僉事屯田道整飭甘肅理冤抑持風裁毀淫祠

陰伏征哈密有功

趙鶴

由御史陞僉事官清慎有盛名著春秋時
事二册史三三十二卷

楊永祐

任刑部主事嘉靖初抗章論事追復內監侵
占民田千頃祀山陽名宦

李維藩

春秋知名鄉會聯魁官至陝西叅議有政聲

馬出圖

由戶科給事中陞陞耳肅行太僕寺卿居官
有直聲

趙璧完

任新繁縣知縣多惠政

孫毓英

字涵初進士任平涼縣法度嚴明宗藩歛迹
陞鄖陽知府有青天白日之譚立生祠陞兩

淮運使一介不取商民感戴立去思碑萬曆
間有司欲以本州改屬太原賴維挽得寢王
申寇燹後援兵至以民級邀賞因寄詩王將
民始獲安詩載藝文

楊于楷

字心邱進士任行人壬申奉差別封藩府途經本州值流寇陷城被執挾刃逼勒勘合楷曰賊奴欲賺城耶吾頭可斷勘合不可得也遂被殺工科孫晉御史李嵩交章請卹勅贈光祿寺少卿諭祭葬廕一子入監崇祀鄉賢

王顯名

進士甲申逆闖僭號逼勒令仕從者授以方面否則罪以負固死拒得免後經交章薦舉恬退不仕一生忠義無虧

張紀

字廷緒西廂里人事母侯氏孝歿廬墓三年有狐雀馴繞墓前奉旨建坊旌表曰孝德卓異

王鑑

字賜之東廂里人事親至孝父歿廬墓有慈烏集鳴耳泉湧出母原氏亡復廬墓泣血喪明嘉靖五年旌其門曰恩褒孝德

王深

南廂里人天性至孝父歿廬墓三年足不至家嘉靖三十一年奏開旌表

傅明

道江西人嘉靖間入州蘓公里籍補增生祖父倫慨掩客地千里負觀望塋於遠母謝氏卧病

躬奉湯藥午夜祝天願以身代及不諱哀毀骨立廬墓三年兩臺節次給以銀穀布帛用示獎勵萬曆二十九年蒙恩旌其門曰天恩褒孝其弟明倫割股奉母事兄惟謹稱一門孝友

成大器

在城里人貧能盡孝父病適喪子戒家人勿哭不令父知及父病愈問其孫多方婉慰當事以仁孝可風旌焉

孫

璠

庠生在城里人事繼母孝朝夕無違顏處昆弟曲盡友于兼工書

蘓希

兗家貧盡孝父歿兄弟廬墓三年州守給旌舜獎一曰貧孝罕聞一曰孝德光前

侯于甸

增生蕪亭里人孝友性成生事死葬盡禮兄弟析箸能讓嗜詩書有義方訓姪標舉孝廉度典俱明經子啟泰食餼維泰通判寧國府且好義輕財貧而負貸輒焚其券河南飢煮粥食赴食者學使李芳聯褒獎之

張友程

黃章里人刑部主事流寇陷城被執賊叱之跪曰吾爲朝廷命官恨不磔汝萬段豈爲爾屈膝罵不絕口死之

趙一亭

黃章里人舉人流寇陷城其僕曰從水門可出叱曰是豈我輩所爲罵賊不屈而死

侯標

蕪亭里人舉人流寇陷城我軍圍之賊誘以書退兵叱曰恨不殺汝耳身命何足惜遂遇害

劉啟先

廩生在城里人孝友素著文行俱優流寇逼城預語妾王氏與女曰萬有不測義不可苟

活各守燈以待及城陷急呼曰跟我來至井
邊曰此爾等之死地也王氏抱三歲女投井
死賊將啟先併姪劉永祚繫至常金麟家持
索銀兩並欲脅從啟先厲聲罵賊不絕口俱
被害

孫尚志

廩生在城里人流寇入城脅從尚志罵不絕
口死不屈膝賊恨碎其尸工大字

王心正

廩生豐埃里人流寇陷賊心正將妻竄氏女
王大姐長媳李氏俱逼投井賊怒被殺男干
總王身極持刀奮力殺賊賊衆蜂擁殺之

李休徵

五指里人俱廩生王申被賊執罵不絕口皆
殺之母楊氏號咷叫罵亦被殺

侯于畿

廩生蘓亭里人王申寇變被執不屈同三子
厲聲罵賊俱被慘毒死巡道馬之陞表其節
義扁曰勁骨可風

劉紹先

庠生在城里人城陷被執賊持刀厲聲索銀紹先曰携吾兒來婢携幼男永裕至曰賊索銀銀從何來汝讀書繼先人衣冠吾死瞑目言訖罵聲不絕死

孟華先

庠生東廂里人與妻崔氏孝行素著壬申城陷守柩不去賊拷銀曰我一窮秀才銀從何來賊怒毀打父柩先以頭撞賊曰寧殺我勿暴父尸夫妻俱被害

孟三元

與姪男孟柱孟礎壬申寇變俱被執賊脅柱礎從已元厲聲曰我儒家子肯從爾作賊耶賊怒推入火焚死

趙傑

景泰七年輸粟八百石入倉賑濟勅建義民坊

楊浩

景泰四年輸粟一千石入倉賑濟勅賜義民

裴輔

景泰年間輸粟一千石賑濟飢民人皆感悅